

Na osnovu člana 23. Zakona o Vladi Bosansko-podrinjskog kantona Goražde („Službene novine Bosansko-podrinjskog kantona Goražde“, broj 8/15), člana 18. stav (1) Zakona o javnim nabavkama („Službeni glasnik BiH“, br.39/14), Vlada Bosansko-podrinjskog kantona Goražde, na 135 redovnoj sjednici, održanoj dana 29.01 2018.godine, **d o n o s i:**

ODLUKU

o pokretanju pregovaračkog postupka bez objave obavještenja o nabavci sa jednim kandidatom/ponuđačem

Član 1.

Vlada Bosansko-podrinjskog kantona Goražde ovom Odlukom pokreće pregovarački postupak bez objave obavještenja sa jednim pozvanim kandidatom/ponuđačem i to: GPD „DRINA“ d.d. GORAŽDE, a u svrhu izvođenja dodatnih elektroinstalaterskih radova na 3. i 4.spratu zgrade Vlade Bosansko-podrinjskog kantona Goražde.

Član 2.

Zakonski osnov za provođenje predmetnog postupka nabavke predstavlja član 21. tačka c) i član 24. Zakona o javnim nabavkama.

Član 3.

Predmet javne nabavke su *Ostali elektroinstalaterski radovi*, JRJN: 453170002.

Član 4.

Procijenjena vrijednost predmetne nabavke iznosi 15.000,00 KM /slovima: *petnaest hiljada KM*.

Član 5.

Sredstva za predmetnu nabavku su planirana na ekonomskom kodu 821600 – Rekonstrukcija i investiciono održavanje u Budžetu Službe za zajedničke poslove kantonalnih organa Bosansko-podrinjskog kantona Goražde za 2018.godinu.

Član 6.

Pregovarački postupak javne nabavke iz člana 1. ove Odluke provest će Komisija za provođenje postupka nabavke završnih građevinskih radova na 3.spratu i potkrovlju zgrade Vlade Bosansko-podrinjskog kantona Goražde, imenovana Rješenjem Vlade Bosansko-podrinjskog kantona Goražde, br.03-14-829/17 od 01.06.2017.godine.

Član 7.

Obrazloženje uslova za primjenu predmetnog pregovaračkog postupka:

Član 21. tačka c) ZJN određuje da ugovorni organ izuzetno može ugovor o nabavci dodijeliti putem pregovaračkog postupka bez objave obavještenja o nabavci u sljedećim slučajevima: „...c) kada se iz suštinskih, dokazivih, tehničkih ili umjetničkih razloga, ili iz razloga koji se odnose na zaštitu ekskluzivnih prava, ugovor može dodijeliti samo određenom dobavljaču.“. Istovremeno, član 24. tačka a) ZJN propisuje sljedeće: „Ugovor o javnoj nabavci radova može se zaključiti u pregovaračkom postupku bez objave obavještenja u sljedećim slučajevima: za dodatne radove koji nisu uključeni u prvobitno razmatrani projekat ili u prvobitno zaključeni ugovor, ali koji usljed nepredviđenih okolnosti postanu neophodni za izvršenje ili izvođenje u njima opisanih radova, i kada se takvi dodatni radovi ne mogu, tehnički ili ekonomski, odvojiti od osnovnog ugovora bez većih nepogodnosti za ugovorni organ. Takav ugovor može se